


Date – 24/06/2024

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. Inter-Ministerial Central Team ten Cyclone Remal avanga Serchhip leh Saitual a chhiatna thleng hrang hrangte an endik chhonzawm.
2. July 1 atanga ram puma hman tan tur Criminal Law chungchang training, Judicial Officer te leh Public Prosecutor te tan vawiin khan buatsaih a ni.
3. Lok Sabha 18-na thutkhawm hmasa berah vawiin khan MP thlan tharte rinawmna thutiam tira lakluh an ni.
4. Prime Minister Narendra Modia chuan sawrkar in ram rawngbawl turin theihtawp a chhuah zel dawn thu a sawi.



CENTRAL TEAM VISIT CYCLONE REMAL AFFECTED AREAS

Sawrkar laipui tirh, Inter-Ministerial Central Team te chuan Aizawl tui lakna Greater Aizawl Water Supply Scheme, bakah Aibawk leh Hlimen te, Aizawl – Muallungthu – Khumtung leh Aibawk – Darlung inkar kawng a leimin leh leimin hlauhawmna hmun te an tlawh hnuah vawiin khan Serchhip leh Saitual a chhiatna thleng hrang hrangte a hmun ah an endik chhonzawm a

Central Team te nen hian Serchhip DC Meeting Hall-ah thu pawimawh sawihona hun hman a ni a. He meeting-ah hian Serchhip DC Office leh District Horticulture Office ten chhiatna thlen dan report kimchang an pe a. District Agriculture Office, PHE leh PWD te pawhin Cyclone Remal avanga harsatna an tawh dan report tlangpui an pe bawk.

May ni 27 leh 28-a thlipui leh ruahpui avanga chhiatna nasa tak thlengah Serchhip District chhung khaw hrang hrangah in 60 vel bawr a chhia a, heng zinga 22 hi luah zui tlak tawh lo khawpa leimin leh tuihawkin a tihchhiat te an ni a, 38 te erawh chei thata luah leh tlak an ni a. Serchhip District chhung VC 54 atanga report a luh danin leimin thlenna hmun hi hmun 23 a ni a. Report hi vawiin thlenga la lut a nih avangin nitin a zat hi a danglam reng a ni.

Serchhip District mipui ten leilet an neihna hmun Zawlpui leh a chhehvel chu nasa takin Cyclone Remal hian a tichhia a. He leilet hi chhungkaw tam tak eizawna hmunpui niin chawhmeh chi hrang hrang - zikhlum, bawkbawn, hmarcha, tomato, vaimim leh a dangte an ching a. Mizoram chawhmeha chawmtu “Vegetable bowl of Mizoram” ti hiala vuah a ni a. Vawiin thlenga report dawn danin Horticulture thlai hmanga eizawng loneitu 152 te a nghawng a, chhiatna thlenna hmun hi Hectare 130 vela zau a ni a, thlai a tihchhiat hlutna hi belhkhawmin cheng nuai 41.92 zet a nih thu Horticulture Department chuan an sawi a. Report hi danglam reng a nih avangin loneitute hloh zat hi hei aiin a la sang thei a ni.

Agriculture Department pawhin loneitu 54 te lo a tihchhiat thu leh a hmunhma pawh chipchiar taka an fan tawh thu an report a. Serchhip District chhunga agriculture crop chinna hmun Hectare 40 vel bawra zau lo leh huan te cyclone hian a tichhia a ni.

Thli leh ruahpui bakah tuihawk luang nasa avangin leilet te hi leivungin a chhilh nasa hle a. Tuilakna irrigation pipeline te a tichhia a.

Kum tam tak intuak hnua an lei khawl ‘farm machinery’ te a tichhia a. Mission for Integrated Development of Horticulture (MIDH) hnuaia siam Sihadarh Zau Green House, East Lungdar a chhe hneh hle a; Serchhip District chhung hmun hrang hranga Green House Cluster dang 7 te pawh a khawih chhe nual niin Horticulture hotute chuan an sawi a ni.

Central Team hian Saitual District chhunga khaw pathum inkalpawhna Tawizo - Maite Road, Dilkhan - Lungpher - Buhban Road leh Khanpui - Tualbung Road chhiate a hmunah an enfiah bawk a ni.

Chawhma lamah Tawizo leh Maite inkawlpawhna kawng enfiahin chawhnu lamah Dilkhan atanga N.Lungpher leh Buhban inkalpawhnate, Tualbung atanga Khanpui inkar kawng balte leh siamthat ngai thenkhatte a hmunah an enfiah leh a . Heng kawng an ente hi a chhe hneh hle a, enfiah a nih lai hian lirthei eng chi mah a kaltlang thei rih lo a ni.



PHE

Aizawl khawpui chawmna khawl chhia siamthat a la nih loh avangin, tunlai hian nidanga an tui pump thin zahve vel chauh an la pump chhuak thei a, he harsatna hi sutkian hun tur hriat a la ni lo.

Vawiina Akashvani Corr in a kawmnaah PHE Dept Aizawl Watsan Circle SE Pu Lalfakzuala Ralte chuan tun dinhmunah nitin tui litre mtd 16 vel pump chhuah thin a ni, a ti a, a hmaa tui ltr mtd 34 vel an pump chhuah theih thin laiin tun dinhmunah chuan tui ltr mtd 16 vel chauh pum chhuah theih thin a ni a, phai lama khawl thawn thlak angte chu a dinhmun hriat ala nih loh avangin a thar mamawh anih chuan sorkarin a ngaihtuah sak a ngaih tur thu leh hemi atan hian sum tamtak mamawh a nih tur thu a sawi.

Puan tawh angin, Remal cyclone avanga tuilianin Greater Aizawl Water Supple Scheme Phase 1 Tlawng kama tui pump na te a tihchhiat avangin khawl hman theih a ni lo a. Khawlchhia pawh Guwahati ah thawn anih thu leh siamthat theih hun hriat a la ni lo a, siamthat theih anih loh phei chuan a thar a thlak vek ngai tih Pu Lalfakzuala chuan a sawi a. Remal Cyclone avanga chhiatna thlen rawn endik tura a rawn tirh Inter Ministerial CTeam atangin sorkar pawhin cheng vbc 80 beisei a ni a ti.

Pu Lalfakzuala chuan Sorkar leh Dept lamin an thuchhuah tui remchen tura hriattirna mipuiin an zawm that avanga lawmthu sawiin PHED hnuaiia thawk te pawhin theihtawp an chhuah mek thu a sawi a. Ruah rawn surin tui lian mahse tui a nut loh a, tui tih thianghlimna te'n a tih thianghlim that theih chuan an khawl emergency a an bun te pawhin tun aia tam nitina mtd 28 vel an pump chhuah leh theih an beisei thu a sawi bawk a ni.

<><><>

GUV

Governor Dr Hari Babu Kambhampati an vawiin khan Kerala leh Tamil Nadu atanga Mass Communication zirlai, Mizorama internship tia cham mek te Raj Bhavan ah a kawm a,

Governor chuan, zirlaite chu Mizoram chungchang ziak tura an hriattur pawimawh a tih hrang hrang te a hrilh a, ama official programme ah te pawh tel ve turin a sawm a ni.

State dang zirlaite hi mi 4 an ni a, Akashvani Aizawl News Unit Asst Direcot Pu Gin Gangte chuan a ho a ni.

<><><>

UG RESULT

Mizoram University hnuaiia Undergraduate (UG) result vawiin khan tihchhuah a ni a. Final Exam ah hian Zirlai 14393 an exam a, an zinga 9519 an pass a ni.

Undergraduate exam zingah hian Arts zirlai chu tam berin zirlai 3586 an ni a, Science zirlai 510, Commerce zirlai 363 leh Home Science zirlai 16 ten an pass a ni.

Kum kalta khan Under Graduate zirlai 5201 ten hlawhtlinna changin, exam zawng zawng za zela chhutin, kumin aiin nikumah pass percentage a tha zawk a ni.

Exam ah hian Arts stream a ti tha ber chu Lalhlimpuii, Pachhunga University College niin, Science ah Lalhriatzuala, Pachhunga University College a ni a, Commerce ah David R. Lalhuhima Pachhunga University College niin, Home Science ah Gracy Lalruatthari, Govt. Zirtiri Residential Science College chu pakhatna a ni bawk a, Subject 27 awma Subject 19 a ti tha ber chu Pachhunga University College zirlai niin, Subject 4 ah Govt. Zirtiri Residential Science College zirlai pakhatna an ni bawk a ni.

<><><>

CRIMINAL LAW

Pawikhawihtute leh dan bawhchhia te hremna dan thar (Major Criminal Law) - Bharatiya Nyaya Sanhita (BNS), Bharatiya Nagarik Suraksha Sanhita (BNSS) leh Bharatiya Sakshya Adhinyam (BSA) chu July 1 atang hian ram pumah hman tan a ni dawn a. Hemi chungchangah hian vawiin khan ATI Auditorium, MINECO- ah Judicial Officer te leh Public Persecutor te tan training buatsaih a ni.

He training hi Judicial Academy, Assam, Gauhati High Court leh Mizoram Law & Judicial Department tangkawp buatsaih a ni a. Training hi Justice Pi Malasru Nandi, Judge, Gauhati High Court chuan a hawng a. Heng Dan thar pathumte hian tuna India ram in Dan a hman mek IPC, CrPC leh IEA te a thlak tawh tur thu leh, a lekkawhtu mi hrang hrang te'n an inzir a, an thiam bel a pawimawh hle thu a sawi.

Bharatiya Nyaya Sanhita, 2023 hian Indian Penal Code, 1860 a thlak ang a, Bharatiya Nagarik Suraksha Sanhita, 2023 hian Code of Criminal Procedure, 1973 a thlak ang a, Bharatiya Sakshya Adhinyam, 2023 hian Indian Evidence Act, 1872 a thlak dawn bawk a ni.

<><><>

LOK SABHA OATH TAKING

Lok Sabha 18-na thutkhawm hmasa berah vawiin khan MP thlan tharte rinawmna thutiam tira lakluh an ni. Vawiina rinawmna thutiam la zingah hian Prime Minister Narendra Modia chuan hma a hruai a. Pro-tem Speaker Bhartruhari Mahtab chuan thutiam lak hi a kaihruai a ni.

PM Modia bakah hian nion Ministers Rajnath Singh, Amit Shah, Nitin Gadkari, Shivraj Singh Chouhan, Manohar Lal, Piyush Goyal, Jitanram Manjhi, Rajiv Ranjan alias Lallan Singh, Dr Virendra Kumar, Kiren Rijju, Chirag Paswan, Jyotiraditya Scindia, Annapurna Devi te pawh an tel a. Union Minister ten an rinawmna thutiam an lak zawh hian MP thlan tharten an chhunzawm ve nghal a. Alphabet indawt danin state ten an chhunzawm zel a. Hindi leh English bakah hian MP te hian tualchhung tawng dang Telugu, Assamese, Bangla, Malayalam, Gujarati, Sanskrit, Kannada, Odia, Dogri leh adangte hmangin rinawmna thutiam hi an la a ni.

<><><>

LOK SABHA

Prime Minister Narendra Modia chuan sawrkar chuan ram rawngbawl turin theihtawp a chhuah zel dawn thu leh mi zawng zawng tel ve na tur hmasawmna thlen turin tan an lak tur thu a sawi

Lok Sabha thutkhawm hmain chanchinbumite hmaah he thu hi sawiin Pu Modia chuan Lok Sabha thutkhawm hmasa ber chuan ram changkanga India siamna tura inpeih chungin bul a tan a ti a. MP thlan tharten a vawikhat nan Parliament building tharah rinawmna thutiam an la tur chu ropui a tih thu a sawi a ni. Pu Modia chuan mipuiten opposition te atangin beiseina sang tak aneih thu sawiin mipui rorelna democracy zah tak chungin tha taka an mawhpurhna an hlen a beisei a ti bawk.

<><><>